

BOSNA I HERCEGOVINA
Federacija Bosne i Hercegovine
TUZLANSKI KANTON
JP „Međunarodni aerodrom Tuzla” d.o.o.

Broj: 05/2-45-1234-9/25
Dubrave Gornje, 15.12. 2025. godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U
o izboru najpovoljnijeg ponuđača

I

Ponuda ponuđača „HEMIJA PATENTING“ d.o.o. Lukavac, za ponuđenu cijenu od **45.240,00 KM bez PDV-a** proglašava se najpovoljnijom, te se imenovanom ponuđaču dodjeljuje **Ugovor o nabavci fluida za odleđivanje i zaštitu od zaleđivanja zrakoplova na tlu** na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom o pokretanju postupka broj: 05/2-45-1234/25 od 13.11.2025.godine, pokrenut je otvoreni postupak za nabavku fluida za odleđivanje i zaštitu od zaleđivanja zrakoplova na tlu, ukupne procijenjene vrijednosti 45.400,00 KM bez PDV-a.

Tenderskom dokumentacijom i obavještenjem o nabavci rok za dostavljanje ponuda je bio do 03.12.2025. godine do 09:00 sati, a javno otvaranje pristiglih ponuda izvršeno je istog dana sa početkom u 09:30 sati, a što je sve konstatovano zapisnikom sa otvaranja ponuda broj: 05/2-45-1234-7/25. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Komisija imenovana za provođenje predmetnog postupka je dana 10.11.2025. godine pristupila pregledu i ocjeni dostavljenih ponuda. Predmetnom tenderskom dokumentacijom utvrđeni kriterij za dodjelu ugovora je „NAJNIŽA CIJENA“.

Prema zapisniku sa otvaranja ponuda broj: 05/2-45-1234-7/25, Komisija konstatuje da je blagovremeno zaprimljena jedna (1) ponude i to od ponuđača:

1. „**HEMIJA PATENTING**“ d.o.o. Lukavac čija je ukupna cijena ponude iznosi 45.240,00 KM bez PDV-a.

Pregled i ocjena pristigle ponude

Komisija je izvršila pregled i ocjenu ponude ponuđača „**HEMIJA PATENTING**“ d.o.o. Lukavac, u cilju utvrđivanja njene prihvatljivosti.

Uvidom u ponudu utvrđeno je da sadrži popunjen i potpisan obrazac za dostavljanje ponude i obrazac za cijenu ponude.

U pogledu propisanih uslova za kvalifikaciju, predmetni ponuđač je dostavio popunjenu i ovjerenu od strane nadležnog organa izjavu iz člana 45. Zakona sa dokazima kojim potkrijepljuje ispunjavanja uslova iz predmetnog člana. U pogledu ispunjavanja uslova iz člana 46. Zakona ponuđač je dostavio ovjerenu kopiju aktuelnog izvoda iz sudskog registra.

Kada je u pitanju tehnička i profesionalna sposobnost ponuđač je dostavio spisak izvršenih ugovora zajedno sa potvrdom. Ponuđač je dostavio certifikate o kvalitetu robe u skladu sa uslovima definisanim tenderskom dokumentacijom, kao i ovjerenu izjavu da će prilikom isporuke robe dostaviti uputstvo za upotrebu i skladištenje predmetne robe.

U pogledu člana 52. Zakona, Komisija je konstantovala da je ponuđač dostavio izjavu ovjerenu od strane nadležnog organa.

Komisija je nakon pregleda konstantovala da ponuda ponuđača „**HEMIJA PATENTING**“ d.o.o. Lukavac ispunjava uslove koji su definisani tenderskom dokumentacijom za nabavku fluida za odleđivanje i zaštitu od zaleđivanja zrakoplova na tlu.

Slijedom navedenog, Komisija je ponudu ponuđača „**HEMIJA PATENTING**“ d.o.o. Lukavac ocijenila prihvatljivom, te je predložila Upravi Ugovornog organa da donese odluku o izboru najpovoljnijeg ponuđača shodno članu 70. Zakona o javnim nabavkama BiH.

Na osnovu prijedloga Komisije za provođenje predmetnog postupka javne nabavke, donesena je odluka kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
1 x Ponuđaču
1 x Evidencija
1 x a/a



DIREKTOR

Dževad Halilčević
Dževad Halilčević